



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ
ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍԶԱԿԱՆ ՄԱՐՄՆԻ
ՂԵԿԱՎԱՐ**

Ո Ր Ո Շ ՈՒ Մ S(14)210031

Վարչական տույժ նշանակելու մասին

ք. Երևան

«08» հունիսի 2021թ.

Ես՝ ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) ղեկավար Գեղամ Շախբազյանս, ուսումնասիրելով «ՅՈԹ ԸՆԿԵՐ» ՍՊ ընկերության (այսուհետ նաև՝ Ընկերություն) նկատմամբ 11.05.2021 թվականին կազմված թիվ S(14)210031 արձանագրությունը և վարչական վարույթի նյութերը՝

ՊԱՐԶԵՑԻ

Տեսչական մարմնի Երևանի տարածքային բաժնի կողմից 2021 թվականի մայիսի 11-ին իրականացվել են վերահսկողական գործառույթներ՝ ուղևորափոխադրումների կազմակերպման գործընթացի նկատմամբ, որի արդյունքում կազմվել է տրանսպորտի քննազավառում իրավախախտում կատարելու վերաբերյալ թիվ S(14)210031 արձանագրությունը՝ Ընկերության (գրանցման հասցե՝ ՀՀ, ք. Երևան, Դավիթաշեն 3-րդ թաղ., 10 շ., 9 բն., ՀՎՀՀ՝ 01401232) կողմից թիվ 269 Երևան-Եղվարդ-Երևան միջմարզային միկրոավտոբուսային կանոնավոր երթուղում կատարած վարչական իրավախախտման փաստի վերաբերյալ, այն է՝ 2021 թվականի մայիսի 11-ին, ժամը 12:38-ին, ք. Երևան, Հալաբյան փողոցում Գազ-322132 մակնիշի 0935L հաշվառման համարանիշի տրանսպորտային միջոցը (վարորդ՝ Գնել Սիմոնյան) շահագործվել է առանց սպասարկող կազմակերպության անվանման և գտնվելու վայրի նշումով ցուցանակի:

Այսինքն՝ խախտվել է «Ավտոմոբիլային տրանսպորտի մասին» ՀՀ օրենքի 13-րդ հոդվածի 2-րդ մասի պահանջը, որի համար Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 1-ին մասով նախատեսված է վարչական պատասխանատվություն:

2021 թվականի մայիսի 26-ին, ժամը 11:00-ին Տեսչական մարմնում նշանակվել է վարչական իրավախախտման վերաբերյալ գործի քննություն: «ՅՈԹ ԸՆԿԵՐ» ՍՊ ընկերության տնօրեն Արմեն Կարլենի Մկրտչյանը պատշաճ ծանուցված լինելով վարչական իրավախախտման վերաբերյալ գործի քննության տեղի և ժամանակի մասին (հիմք՝

անդորրագիր՝ AG031617689AM, առ այն, որ ծանուցագիրը հանձնվել է 25.05.2021թ.) չի ներկայացել վարչական իրավախախտման վերաբերյալ գործի քննությանը, չի ներկայացրել գրավոր միջնորդություն գործի քննությունը հետաձգելու վերաբերյալ, ինչպես նաև չի ներկայացրել գրավոր առարկություն:

«Ավտոմոբիլային տրանսպորտի մասին» ՀՀ օրենքի 13-րդ հոդվածի 2-րդ մասի համաձայն՝ ավտոբուսային կանոնավոր փոխադրումները սպասարկող ավտոտրանսպորտային միջոցները պետք է ունենան երթուղին արտահայտող ցուցատախտակով, երթուղու չվացուցակով և սխեմայով (բացառությամբ ներհամայնքային երթուղիների), սպասարկող կազմակերպության անվանման և գտնվելու վայրի նշմամբ ցուցանակով, ավտոտրանսպորտային միջոցների անվտանգությանը ներկայացվող արտաքին և ներքին կահավորում: Կահավորման պահանջները սահմանվում են տեխնիկական կանոնակարգերով և ստանդարտներով:

Վարչական իրավախախտումների վերաբերյալ ՀՀ օրենսգրքի 137²-րդ հոդվածի 1-ին մասի համաձայն՝ ավտոբուսային կանոնավոր ուղևորափոխադրումները սպասարկող ավտոտրանսպորտային միջոցներն առանց երթուղին արտահայտող ցուցատախտակի և (կամ) երթուղու չվացուցակի և (կամ) երթուղու սխեմայի (բացառությամբ ներհամայնքային երթուղիների) և (կամ) սպասարկող կազմակերպության անվանման և գտնվելու վայրի նշումով ցուցանակի և (կամ) տեխնիկական կանոնակարգերի և ստանդարտների պահանջներին անհամապատասխան արտաքին և ներքին կահավորմամբ շահագործելը առաջացնում է տուգանքի նշանակում՝ սահմանված նվազագույն աշխատավարձի երեսնապատիկի չափով:

Նույն օրենսգրքի 137²-րդ հոդվածի 9-րդ մասի համաձայն՝ սույն հոդվածով սահմանված խախտումների համար վարչական պատասխանատվությունը կիրառվում է խախտումը կատարած կազմակերպության պաշտոնատար անձի, անհատ ձեռնարկատիրոջ կամ ֆիզիկական անձի նկատմամբ:

Վարչական վարույթի նյութերի հետազոտումից պարզվել է, որ առկա են վերը նշված իրավախախտման փաստը հաստատող բավարար ապացույցներ (2021 թվականի մայիսի 11-ին կազմված տրանսպորտի բնագավառում իրավախախտում կատարելու վերաբերյալ թիվ S(14)210031 արձանագրությունը, 0935L հաշվառման համարանիշի տրանսպորտային միջոցի, սրահի կահավորման և այլ լուսանկարների պատճենները):

Վերոգրյալի հիման վրա և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 9-րդ մասով, 244¹³-րդ հոդվածով, 281-րդ հոդվածով, 282-րդ հոդվածի 1-ին կետով՝

ՈՐՈՇԵՑԻ

«ՅՈԹ ԸՆԿԵՐ» ՍՊ ընկերության տնօրեն Արմեն Կարլենի Մկրտչյանին Վարչական իրավախախտումների վերաբերյալ Հայաստանի Հանրապետության օրենսգրքի 137²-րդ հոդվածի 1-ին մասի հատկանիշներով ենթարկել վարչական պատասխանատվության՝ նրա նկատմամբ նշանակելով վարչական տույժ՝ տուգանք 30,000 (երեսուն հազար) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:

Տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:



Recoverable Signature

X

Gegam Shakhbazyan

ԳԵԴԱՄ ՇԱԽԲԱԶՅԱՆ

Signed by: SHAKHBAZIAN GEGAM 2903870918